



400.

44.

I. N. D.  
DISSERTATIO PHILOSOPHICA

*De*

# FUTVRIS CONTINGEN- TIBVS,

*Quam*  
CONSENSU AMPLISS. FACULTATIS PHI-  
LOSOPHICÆ

PRÆSIDE

M. FRIDEMANNO BECH-

SMANN Log. & Phil. Pr. P. P.

*Eruditorum publico examini submittit*

JOHANNES SCHUBARTUS,

Altenb. Misn.

A U T O R.

*ad diem Jul.*

In Auditorio Philosophorum

H. C.

---

J E N Æ,

Typis JOHANNIS VVERTHERI,  
ANNO M DC LXIII,



VIRIS

*Magnifico, Plurimum Reverendo, Amplissimo & Excellen-  
tissimo*

**Dn. JOHANNI CHRISTFRIDO  
SAGITTARIO, SS. Th. Doctori Celeberrimo, Du-  
catus Saxo-Altenburgici Superintendenti Generali,  
Concionatori Aulico Primario, & Consistorii  
Assessori Gravissimo**

ut &

*Perquam Reverendo, Amplissimo ac Praclarissimo  
Dn. M. CHRISTOPHORO HEIN-  
RICO LOEBERO, Concionatori ibidem  
Aulico & Gymnasii Professori celeberrimo*

*Dnn. Mecenatibus, Patronis atque Promotoribus suis  
omnimodo devenerandis.*

*D. D. D.*

*A. R.*

IN NOMINE DEI!

§. I.

**A**NDE πάθεις καὶ προπίσ, Arcopagitarum  
lege. De futuris Contingentibus im-  
præsentiarum agere animus est. Priùs  
ergò de contingente in genere quæ-  
dam præmittenda erunt.

§. 2. Sumitur vox Contingentis  
apud Philosophos, Aristotelem præ-  
primis, non unō eodemque modō. Interdum r. adeò la-  
tè, ut contradistinguatur impossibili, ita ut tām necessa-  
rium quām contingens strictius dictum includat. Ita e-  
nim ipse Philosophus noster i. pr. c. 3. §. 5. καὶ τὸ ἀναγκαῖον  
καὶ τὸ μὴ ἀναγκαῖον καὶ τὸ δυνατὸν ἐνδέχεσθαι λέγομεν. Et hōc  
sensu rectè diceretur, contingens esse quod Deus existat,  
licet sit ens lummè necessarium, & eum non esse, impos-  
sibile sit. 2. in strictiori significatione & propriè, cùm  
non solūm impossibili, sed & necessario opponitur, quō  
sensu sumitur i. pr. 13. ubi dicit Aristoteles: Cōtingere autē  
ac contingens in præsentia intelligo id, μὴ ὄντος ἀναγκαῖος,  
πήντε τὸ δύναμεν εἶναι εἰς τὸ τέλος τὸ δύνατον. Dico, propriè;  
Prior enim vocis acceptio impropria est, ex ipsius Philo-  
sophi indicinā, cùm verbis modō citatis statim subjūgit:  
*Cūm enim necessarium dicimus esse contingens, nominis tan-  
tum similitudine id facimus & agnominatione.* Et hæ duæ  
vocis acceptiones in doctrinā modalium Aristotelicā  
probè notanda sunt, ut Autores passim monent. 3. Stri-  
ctissimè, ita ut non omnia, quæ, cùm necessaria non sint,  
si tamen ponantur, nihil inde impossibile veniat, sive, ut

A 2

alii

alii verba Aristotelis reddunt, nullum inde incommodum sequatur, ambitu suo continet, sed ea solum, quae fortuita sunt & casualia, ac praeter agentis intentionem sunt. Et sic accipiunt nonnulli, quando Aristoteles in libb. de demonstr. dicit, *contingentium non esse scientiam, sed necessariorum*, id quod etiam 6. Eth. 3. repetit. Scheibl. l. I. Met. n. 99. 100. iis tamen alii non sine causa contradicunt, praesertim cum Aristoteles expressè dicat, illud, quod scimus, μὴ τὸ δέχεσθαι ἄλλως ἔχειν. Sumitur autem ita 4. Met. 30. & s. c. 2. 4. denique *Contingentia* sive *contingere* se apud Latinos ea dicuntur, ὡν τὰ ἀκραίμα, & contradistinguuntur iis, ὡν τὰ ἀκραίνειν, sive *continuis*, de quibus vid. 10. Met. II.

§. 3. Quo sensu nos sumamus, facile patet. Exulare scilicet jubemus ultimum, tanquam planè ab instituto nostro alienum. Nec primum hīc observamus, quandoquidem Deum, in quem, uti diximus, contingentia eō modo accepta cadit, ex numero futurorum contingentium penitus eximimus. Neque tandem tertius jam obtinet, cum futura contingentia non omnia casu aut fortunā eveniant, conf. l. 2. de cæl. c. 8. t. 45. & 6. Met. 9. Sumimus ergò vocabulum *Contingentis* in alterā significacione, ita ut notet *id, quod in se non est necessarium, si tamen ponatur inesse, nihil inde impossibile sequitur, sive, quod non involvit contradictionem, sive sit, sive non sit, modo, dum est, non sit in se necessarium.*

§. 4. Et sic ejus synonymum quandoque est *accidens*, Græcis συμβεβηκός, συμπεσόν, uti ex cītt. & aliis locis videre est; & si quae sunt alia.

§. 5. Ex dictis autem facile clucescit, quām malē faciant, qui liberum cum contingentie non semel confundunt. Quāmyis enim fatendum sit, ea quandoque conveni-

venire, sicut v. g. actiones hominis sunt liberæ, sunt etiam contingentes: hoc tamen perpetuum non est, plura enim dantur, quæ sunt contingentia, non tamen libera.

§. 6. Quod ergo detur contingens, forsitan probatio haud op̄ habere videtur, cùm de illisquæ per se nota, an sint, querere vel tractare supervacuum sit. Non tamen defuerunt, nec hodieque desunt, qui diversum sentiant. Ita Stoicos, quod omnia fato agantur, sensisse, Gellius & cum eo alii neminem ignorare sinunt, quanquam *J. Lipsius Ph. St. l. i. c. 12.* mentem eorum ita excusare velit, quasi solum fuerit, decreta DEI esse immutabilia, nec nisi σύνταξιν seriemq; causarum naturalem atque necessariam consecutionem dari. Sicut quoque *Seneca 4. de benef. c. 7.* fatum nil aliud quā Deum, & *Philippus l. 2. Ph.* Aristoteli fatum atque naturam unum idemque esse assertunt. Stoicos demum alii secuti adeò stolidi fuerunt, ut negarent, dispositionē causarum universi, cui fatalem necessitatē ascribebant, à divinā sapientiā aut voluntate profectam esse, sed ex se habere intrinsecam necessitatem prorsus inevitabilem, uti ex *Augustino & Plotino* refert Fr. Syarelius disp. M. 19. s. 4. Idem à nostratis solet *Contra Remonstrantibus* in Belgio aliisq; Reformatis imponi, quā tamen accusatione se liberare conati sunt & adhuc conantur. Quod ipsum excutere, aliis considerationis est, Vid. interim *B. Dn. D. Major Disp. de term. vit. c. 1. θ. 4.*

§. 7. Quicquid sit de eorum sententiā, ut & de voce *Fati*, an bono & convenienti sensu admitti queat, quā de re *Svares. c. l. latè agit, conf. Thomam Aqu. p. i. q. 116.* nos dicimus, dari contingentia, hancque nostram assertionem & Autorum & argumentorum densissimā nube robore possumus, v. *Chr. Scheibler. l. 1. M. c. 18. n. 22.* Unicum

nobis sufficiat, à libertate desumptum. **Triplicia sunt**  
agentia libera, Deus, angelus & homo, omnium confes-  
sione: Jam quia libertatis ratio consistit in indifferentia  
ad utrumque oppositorum, sponte suâ sequitur, dari  
contingentia. Si enim ens liberum positis omnibus an-  
tecedenter ad agendum requisitis potest agere, & non a-  
gere, potest hoc & illud producere, quidni sequetur, il-  
lud, quod à tali causâ producitur, posse produci & non  
producere (cum hæc duo causam aliquam posse hunc & il-  
lum effectū producere, & hunc & illum effectū à causa  
aliqua produci posse, unū idemque sint) adeoque esse &  
nō esse, quod verò nil aliud est, quā contingens esse, *conf.*  
*Biel. in 1. d. 38. q. 1.* Sed operosâ probatione opus nō habe-  
m9: pertinent huc verba *Scot. i. d. 39.* ubi adversus liberta-  
tis humanæ impugnatores disputans, cruciatibus contra  
eos agendum esse ait, non rationibus: *tamdiu enim, in-*  
*quit, verberibus pulsandi essent, donec confiterentur, in no-*  
*stra potestate esse eos non amplius pulsare.* *Quod si conque-*  
*rerentur, injuriam sibi fieri, respondendum esset, quid de no-*  
*bis conquerimini, vos ipsi asseritis, non esse in nostrâ potesta-*  
*te, cessare à verberando.*

§. 8. Apparet simul ex dictis, quænam entia sub am-  
bitu *Contingentis*, prout à nobis sumitur, contineantur:  
Omnia scilicet præter Deus, quippe qui solus est ens ab-  
solutè sive summè necessarium, nec unquam potuit aut  
poterit non esse; ab ipso verò, tanquam à causâ primâ,  
dependent reliqua omnia, præsentia, præterita & futu-  
ra, *conf. Thom. i. q. 2. a. 3. Svar. disp. 30. f. 9.* Nec obstat, si  
dicas Deus propterea esse ens contingens, quia contin-  
genter operatur, sive, quia operationes ejus, tanquam  
causæ liberæ possunt esse & non esse; præterea enim  
quòd discrimin inter Dei actiones ponendum est, non

sta-

statim sequitur, ex eo, quod ens aliquod potest operari & non operari, id quoque posse esse & non esse; sicuti etiam non sequitur, aliquid necessariò seu tanquam causam necessariam agere, quia necessariò existit, cùm, ut visum, Deus sit ens necessarium, & tamen multæ ejus actiones liberè ab eō proveniunt.

§. 9. Ad contingentium ergo classem hīc spectant omnes creature, tam spirituales quam corporeæ, tam rationales quam irrationales, actiones hominum liberæ, fortuita atque casualia &c. Unde Arist. Eth. 5. dicit, *virtutem atq; vitium esse è φ' ήμην, in nostra potestate*, ita ut possimus habitum virtutis aut vitii nobis acquirere & non acquirere. Sic mala poenæ possunt obtingere nobis & non obtingere, ut in illis quoque contingentia conspi ciatur. Quamvis enim etiam quis cum A. Kirchero It. Exst. I. dial. I. c. 6. dicere vellet, *prælia, cædes, urbium regnorumq; eversiones & alia oriri, dum, DEI permissione & hominum iniquitate ita exigente, globus Martis ab intelligentiis suis concitetur, ita ut in mundo inferiori omnia quasi susq; deg; ferantur*; nondum tamen ea contingentium numero eximet, cùm, uti ipse citatus Jesuita c. 4. fatetur, astra hominem non necessitent, sed solum inclinent, conf. Thom. I. IIIS. 6. Pic. Mir. libb. adv. Astr. Conimbr. in 2. de cæl. c. 3. q. 8. & 9. & alios.

§. 10. Nec est, quod objicias, dari quoque inter creature, quæ necessitate suâ gaudeant, uti dicuntur esse angeli, corpora cœlestia eorumque affectiones, it. bestiæ, quæ dicuntur agentia necessaria; cum tamen aliquid simul necessarium & contingens esse planè impossibile sit, ob rationes contradictorias, quas involvunt, v. Cajet. p. I. sum. q. 14. a. 13. Ad hoc enim facilis est responsio. Nam quod angelos attinet, notum, est, i. cos ab æternō nō esse, sed

sed in tempore demum fuisse productos, jam igitur  
sunt, ita, ut potuerint etiam non esse, quod quid aliud est,  
quam angelos esse è numerò contingentium? 2. notum  
quoque est hoc, quod angeli nō sint à scipis, sed sicut o-  
mnes creature, dependeant à causâ primâ, ita, ut ad esse  
suum requirant influxum divinum: at vero sicut Deus est  
agens liberum, potestque agere & non agere; ita influ-  
xum suum potest subtrahere: quemadmodum igitur  
angeli sunt per influxum Dei, ita, subtracto eô, possunt e-  
tiam non esse & consequenter adhuc sunt in numerò  
contingentium. Corpora cœlestia, quorum in objectio-  
ne mētio facta, dupliciter spectari possunt 1. quoad esse. 2.  
quoad operationes. Hoc posteriori modo aliqua in cor-  
pora cœlestia necessitas cadit, necessariò enim agunt;  
sed ad præsens id non pertinet, cum h. l. non quæratur  
quomodo res creatæ in suis operationib⁹, sed in se suōq;  
esse habeant. Priori autem modō negatur in corpora  
cœlestia cadere necessitatem. Nam 1. à Deo sunt produ-  
cta, ut potuerint quoque non produci. 2. Constant mate-  
ria & forma, quæ forma ad materiæ essentiam non spe-  
ctat sed ab ea separari potest, possunt igitur corpora cœ-  
lestia quoq; corrumpi & consequenter non esse, adeoq;  
& ipsa sunt contingentia. Quod bestias denique attinet,  
quæ dicuntur agentia necessaria, necessitas ea est in ope-  
rando, non quoad esse, & sic ad præsens nihil facit.

§. II. In primis igitur h. l. distinguendum est inter  
necessarium *in essendo* & *in causando* vel *operando*: priori  
modo opponitur contingentia, posteriori libero, adeoq;  
ex positione necessitatis posterioris non sequitur nega-  
tio contingētiæ, prout hæc opponitur necessitati priori:  
sic enim contingens cum libero confunderetur, quod  
tamen supra §. 5. improbabimus.

§. 12.

§. 12. Sed pergendum est. Agimus enim non de contingentibus in genere, sed saltim de futuris. Ait Aristoteles 9. Met. 3. ἐνδεχέται δυνατὸν μὲν ή εἶναι, μὴ εἶναι δὲ, καὶ δυνατὸν μὴ εἶναι δὲ. Unde Philosophi communiter contingens dispescere solent in *id, quod est* quidem, non tamen necessario, & *id, quod non est*, potest tamen esse. Quod posterius membrum rursus posset secari in duo. Horum enim, quae non sunt, esse tamen possunt, alia ita se habent, ut aliquando, v.c. cras, de iis verum sit dicere: *nunc sunt*, adeoq; pro isto temporis puncto loquendo ad priorem contingentium classem transiliunt, hoc ipso, quod tunc ē suis causis exierunt, in quibus hodie latebant; alia autem ita se habent, ut nunquam de iis verum sit dicere: *nunc sunt*; cū solā suā possibilitate contenta nunquam in esse ponantur. Ex his de illō potissimum modō nobis erit sermo, quō quid non quidem est, potest tamen esse, ita, ut aliquando de eō verum sit dicere; *nunc est*, seu quod aliquando futurum est. Non curamus jam, quod notat Biel. l.c. futurū *Contingens* quoq; sumi posse pro eo, *quod vel erit & potest nō fore, vel non erit, & potest fore*; adeoque etiam futurum contingens esse, quod tamen nunquam erit sive futurum est. Quō sensu forsitan futurum *contingens* ita sumitur, ut notet id, quod non solum præterito ac præsenti, sed quoque in futuro tempore contingens est, sive tunc sit, sive non sit; non verò præcisè id, quod quidem potest esse & non esse, erit aliquando, cum nunc non sit.

§. 13. Differt igitur *futurum contingens* à possibili, ut angustius à latiori, cum sub eo contineatur: ita tamen ut possibile sit etiam id *quod cum non sit, esse tamen non repugnat*. Notum enim est, vocem possibile non uno modo capi. Præter varias significationes, quas B. Stevogtius d. th. 8. §. 2. & B. Stahlius Disc. T. 3. præeunte Thaumatem.

B

ma

ma & Javello recensent, etiam ita strictam habet, ut solum ea designet, quae respectu nostri possibilia, quae in nostra potestate sunt, sive quorum principium in nobis situm est, uti 3. Eth. 3. dicitur δύναται δέ, ἀ δι ήμων γένοισθαι. Ita sumi quibusdam videtur, quando objectum spei dicitur esse bonum difficile quidem, sed tamen possibile.

§. 14. Superaddunt itaque futura contingentia possibilitati, quam cum reliquis communem habent, futuritionem, per quam quasi contrahuntur & ab iisdem distinguuntur. Cum enim possibilias h. l. de se nil aliud dicat, quam rei, quae non est, ad essendum non repugnantiam, haec vero aliis quoque, quae non sunt futura contingentia, conveniat, futuritio certè erit, per quam haec ab aliis possilibus, quae nunquam erunt, differunt, ita ut verè inferas: Futurum est, E. possibile est, non autem vice versa 8. Met. 4. conf. Stevogt. disp. 3. de in diff. v. h. §. 43.

§. 15. De futuritione P. H. de Mendoza disp. de an. s. 6. subf. 1. §. 13. ita ait: *Quid sit, rem esse futuram, adeò per se notum videtur, ut verba desint, quibus clarius explanetur. Ac timeo in futuritione inquirendā, ne quis arbitretur, me in scirpo querere nodum.* Quamvis autem res haec Mendoza adeò facilis & per se nota videatur, non tamen defuerunt, qui in sententiarum divortia hīc abirent. Quidam rationem futuritionis sumserunt à voluntate DEI, volente rem esse antequam fit. Ita ut propterea quid futurum sit, quia Deus illud vult esse, cum nondum sit. Alii dixerunt, futurum nil esse aliud, quam quod habet esse in causa aliqua determinatā, & nondum habet nec habuit in se.

§. 16. Hi tamen acu rem tetigisse non videntur. Inquiritur hīc in primum conceptum & rationem formalē

malem futuri, qui non debet assignari per aliquid, quod  
eo quoad rationem prius est, uti qui vis facile concedat,  
qui modo, quid primus concepto sit, intelligit. Quod ta-  
mē faciunt posterioris sententiæ patroni. Pri⁹ enim rati-  
one nostrâ concipimus, rem habere esse in causa deter-  
minatâ, quam, eam futurum esse: idem sentiendum est  
de priori sententiâ, quâ futuri ratio desumitur à volunta-  
te divinâ, hæc enim sicut vult cum causâ concurrere ad  
productionem ejus, quod futurum esse dicitur: ita prior  
est futuro, & ad ejus rationem non pertinet.

§.17. Verius cum B. Slevogtio d. de ind. 3. §.16. ac Dn.  
Præside Disp. de scientia DEI ante sexennium fere habitâ §.  
70. dicetur, *Futurum formaliter esse existentiam rei in in-*  
*stanti sequenti cōnotando carentiā ej⁹ in instanti præsenti.*  
Ut ita duo ad futurum requirantur, i. in instanti sequenti  
esse 2. in præsenti instanti non esse. Nec est, quod obji-  
cias, rem nunc esse futuram, E. posterius requisitum  
esse supervacuum. Sic enim simili modo inferre pos-  
sem: Id, quod nunquam est vel erit, esse tamen non re-  
pugnat, nunc est possibile, E. est in præsenti instanti:  
quod tamen manifestò falsum. Quando ergo dicitur,  
rei nunc esse futuram, sensus est, rem, quæ nunc non  
est, ita se habere, ut, licet nunc non existat, in instanti se-  
quenti tamen extitura sit, adeoque in præsenti instanti  
de cā dicere, quod sit, falsum dicere sit: in sequenti au-  
tem, verum.

§.18. *Dari futura contingentia, vix videtur ab aliquo*  
negari posse, modò non synciput malè sanum habeat. Id  
ipsum tamen sapere verba Socini præl. Th. c. 8. alicui vide-  
ri posset, dum dicit, *contingentia, antequam fiant, etiam*  
*respectu decreti divini, nec futura esse nec esse non futura,*  
*quia scilicet sint ad utrumq;. Quæ ipsa ejus ratio quid in*

recessu habeat, etiam Tiresiā cōcīor facile perspicere potest.

§. 19. Nos dari *futura contingentia*, iisdem declarare possumus, quibus supra §. 7. in genere de *contingentibus* usi sumus. Quia scilicet, *contingentia* dari, ipsa libertas, v. g. hominis, evincit, homo enim cum liber sit in operando, facile patet, illum effectum, quem producet, ita esse futurum, & aliquando extiturum, ut possit etiam non esse, h. e. *futurum contingens esse*. Hinc quoque dicitur, electionem esse futurorum contingentium, quae in nostra potestate sunt. Et istud quidem adeò manifestum est, ut nonnulli planè in eam sententiam descendenterint, hominem sive voluntatem hominis liberam esse, non pro eō etiam instanti, quo actu aliquid vult, sed tantum pro instanti antecedente, adeoque libertatem arbitrii tantum circa futurum versari: quae opinio est inter alios Occami & Gabrielis I. d. 38. q. un. Quos tamen refutat Fr. Soarius Disp. 19. f. 9. & ex eo B. Hornejus Phil. Mor. l. 2. c. 5. th. 16. 17. qui alios præterea Autores citat.

§. 20. Quamvis autem *futuri contingentis* significatio absque incommodo ita posset ampliari, ut cancellis suis includat suō modo omnia entia præter solū Dēum, utpote qui solus nunquam inpotentiā fuit, quia repugnat, eundem, tanquam primum ens, ab alio in actum deduci. Suō modo, dictum fuit. Licet enim de angelis, mundo &c. hodie non possis dicere, ea esse futura contingentia; potuit tamen illud aliquando dici, scilicet cum nondum essent extra causas suas constituta. Quamvis, inquam, bene ita ampliari posset, fere tamen nomine *futurorum contingentium* ea à Philosophis intelligi solent, quae ordinem habent ad voluntatem creatam, quae in differen-

differenter se habet ad agere & non agere, agere hoc vel illud, adeoque libera est, quod post Thomam, Scotum, Bielem, Soarium, Fonsecam, Mendozam, Becanum & alios egregiè contra adversarios demonstrat B. Slevogtius dissp. de ind. v. h. Et in hâc significatione contradistinguntur futuris necessariis, quæ ita vocantur, quia ab agentibus libertatis expertibus proveniunt, adeoque positis omnibus ad agendum requisitis non possunt non produci, utrū aliàs, generalius loquendo, sint contingentia, & æquè possint esse ac non esse, sèpiusculè etiam inhibentur, dum aliquod prærequisitum deest, uti vel ex solo exemplo ignis Babylonici appareat.

§.21. Claret simul ex dictis, quænam causa sit, à quâ tales effectus, quos huc pertinere diximus, habent, quod *futura contingentia* sunt. Excluduntur nimirum *agentia necessaria* sive, ut aliàs vocantur, *naturalia*, uti per se patet, ac probat Svar. c. l. s. io. & relinquuntur sola *agentia libera*. Cum hæc verò non sint unius generis, dicendum, effectum futurum contingentem, pro ut hîc sumitur, hoc ipsum, quod est futurum contingens, habere à causa secunda, quæ illum liberè producit. Cum enim Deus voluntate ordinatâ decreverit, se concursu suo generali velle cum causâ secunda libera & ad utrumque oppositorum positis omnibus requisitis, inter quæ ipse etiam Dei concursus est, indifferentem, concurrere ad omnes actus, ad quos ista causa secunda se liberè determinat, ultrò sequitur, ab eâ pendere effectus contingentiam, hòc ipso, quod in causæ secundæ liberæ, & quidem proximæ, arbitrio positum fuit, generalem illum Dei influxum ad talem vel talem in specie actum determinare, conf. Thom. l. i. q. 14. a. 13. ad l. Slev. dissp. 2. de ind. §. 54. seqq. Et patet ulterius ex eô, quòd, si per impossibile nul-

*Si daretur causa prima libera, sola autem secunda talis esset, nihilominus effectus hujus causæ ante suam productionem esset futurum contingens. Agit hac de re Biel. c. l. & Svar. c. l. it. f. 4.*

§. 22. Et nihil interest, sive causa illa sit per se Physica, sive moralis, sive per accidens ex parte causæ, sive ex parte effectus. Quando enim Ictus ægrotum sanat, & quando quis sciens manum ab utre in aquam depresso removet, ut ille ascendat, utrobiique effectus per accidens à causa suâ habet, quod ante productionem futurum contingens fuerit.

§. 23. Sunt autem *futura contingentia*, *juxta Biel. d. l. duplia: Complexa & incomplexa*. Prioris generis exemplum ponit hoc: Christus judicabit mundum; posterioris Anti-Christum futurum. *Juxta Biel. in quio*, qui & ipse secundum loquendi modum aliquorum se ita distingere dicit. Alias, si accuratius res consideratur, forsitan dici potest, confundi h̄ic propositionem de *futuro contingente* cum suo objecto, sive *futuro contingente*, cum tamen objectum & id, cuius est objectum, in reipsâ unum non sint. Eodem sane modō posset quis conceptum aliquem, de futuris contingentibus in intellectu formatum, vel etiam intellectus de iisdem compositionem aut divisionem, cui extra mentem proposi-*tio respondet, futurum contingens* vocare, quod tamen valdè inconveniens fore videtur. Potest verò tale futurum contingens complexum, sive potius propositio de futuro contingente, iterum distingui in eam, *quæ est cum tempore determinato* v. g. Petrus cras veniet: & *quæ est si ne tempore determinatō* v. g. Petrus veniet. Et utraq; rursus in *simplicem & conditionalem*, ut ex mox dicendis clarius evadet.

§. 24.

§. 24. Incomplexa etiam sunt in duplice differentiâ, alia absolute & determinate futura, uti Pauli tempore erat, quod Anti-Christus sessurus esset in templo DEI; alia hypothetica sive conditionata, quæ scilicet à conditione pendens, nec in esse ponuntur, nisi eâ impletâ, uti *Luc.* 16. dives Iurco futurum esse putabat, fratres suos pœnitentiam acturos, si quis à mortuis resurgens ad eos veniret. Et talem futuritionem describit *Mendoza disp.* 9. d. an. s. 6. s. 5. §. 77. quod sit *existentia rei in aliquo instanti dependens à conditione explicatâ in propositione hypotheticâ* conf. *Becan. Th. Sch. tr. 1. c. 10. q. 5. Slev. d. 3. deind. §. 15.* Probè autem notandum, quod *Mend.* dicit, quod explicetur in propositione hypotheticâ: Unde, quæ natura futorum contingentium hypotheticorum sit, facile judicabit, qui propositionum hypotheticarum doctrinam bene perspectam habet. Hæc verò futura iterum possunt constitui duplia: 1. quorum conditio aliquando implebitur, adeoque ipsa etiam in esse ponentur. 2. quorum conditio nunquam implebitur, & consequenter ipsa quoq; nunquam de futuris præsentia fient.

§. 25. Quoniam ergò dantur *futura contingentia*, ea intellectus etiam objectum aliquod esse consequitur. Si enim ille, præter entia in actu posita, non solum ea, quæ nunquam futura erunt, sed & quæ planè esse nequeunt, cōcipere potest, quî fiet, ut illa nequeat, quæ, utut hōc instanti non sint, in sequenti tamen erunt? Et quidem, ut intellectum increatum prius videamus, quod Deus futura contingentia cognoscat, præter *Ciceronem 2. de div.* strenuè negant *Photiniani*, hōc ipsō ipsis quoque *Mohammedanis* impudentiores, uti, quoad hoc etiam punctum, de utrisq; vir. *Clariss. J. H. Hottingerus probat, Hist. Or. 1-2. c. 3. p. 371.* Satisfecit autem iisdem præter ali-

1881  
OS

os Dn. Præfescit. disp. §. 88. usque ad 114. qui legi potest.

§. 26. Eadem sententia tribui etiam Arminianis sive Remonstrantibus solet, & in specie Simoni Episcopio, dum hâc de re dubitat, & stante hypothesi, quod futura contingentia, quatenus talia, non sint scibilia, divinæ scientiæ ait non magis quicquam detrahi, si dicatur, Deus nescire, quæ scibilia non sunt, quam divinæ omnipo-tentiæ detrahatur, si dicatur Deus non posse, quod pos-sibile non est, aut quod contradictionem implicat. Imò, quod sola verisimilia sub præscientiam DEI cadant, senti-re dicuntur.

§. 27. Quicquid sentiat Episcopius & alii Arminiano-rum, omnibus ea sententia tribui posse non videtur. Ipse Jac. Arminius disp. Th. publ. 4. §. 30. dicit, intellectum DEI esse vitæ ipsius facultatem naturâ & ordine primam, quâ omnia & singula, quæ entitatem qualemcumq; habent, habitura sunt, haberunt, habere possunt, ex hypothesi ha-berent, omniumq; & singulorum inter se ordinem, connexi-onem respectusq; varios, quos habent aut habere possunt, di-stinctè intelligit. Id quod repetit disp. priv. 17. §. 1. & §. 5. expressè ait: Intellectus DEI certus est & infallibilis, adeò ut etiam futura contingentia certò & infallibiliter videat sive illa videat in causis ipsorum, sive in se ipsis.

§. 28. Quod vero attinet ea, quæ §. 26. adduximus, ὥρωτεν ψεῦδος latet in ea hypothesi, futura contingentia, quatenus talia, non esse scibilia. Falsum inquam, hoc est, sive in futuris contingentibus species contingentiam, quia alias nequidem contingentia præsentia, sive quæ jam in esse constituta nec amplius futura sunt, essent scibilia; sive etiam futuritionem in iis attendas, cum sic nec futu-ra necessaria caderent sub intellectum, adeoque non es-sent scibilia sive cognoscibilia (hæc duo enim hic idem sunt.

sunt. Alias si vox *scibilis* aliò modò sumatur, concedi posset, futura contingentia non esse scibilia, sed ita nil contra nos obtinetur, *conf. Mend. disp. s. de an. f. 3. §. 13.*) quod tamen nemo, puto affirmabit. Illud autem adhuc stolidius est, nec à blasphemiam alienum, quod dicitur Deum tantum verisimilia cognoscere posse. Sumatur vox *verisimile*, quomodo cunque velit, sive prout opponitur fortuito præcisè, sive prout sumit *Arist. tr. Rhet. 2.* pro eo quod plerumq; fit, ita tamen ut aliter etiam fieri possit: quid ex hâc sententia aliud emerget, quam quod intellectui divino humanus, quem tamen infinitis modis superat, tanquam modus aut mensura ponatur? Effugit quidem effectus fortuitus præscientiam humanam, hōc ipsô quod fortuitus est, non tamen propterea quoq; divinam, cùm respectu causæ secundæ fortuitus dicitur, non simul primæ, ut potè cuius ab ordine nil potest subtrahi, aut præter scientiam ejusdem fieri, *vid Angust. l. s. C. D. c. 9. Thom. p. 1. q. 103. a. 7. Svar. D. M. 19. f. 12. Conimbr. in 2. Ph. c. 6. q. 1. a. 1. &c.* Exemplum quod 2. Reg. 7. legitur, nil minus quam verisimile fuit, & tamen illud præscientiam DEI non fugiebat, uti negari non potest, ex ipso textu abundè patet.

§. 29. Scit igitur Deus & ab æterno scivit futura contingentia uti statuunt *Biel. in 1: d. 38. q. un. Thom. p. 1. q. 14 a. 13. & l. 1. contragentes c. 67. Svar. disp. 30. f. 15. §. 31.* & in opusc. de sci. DEI *Mend. disp. 9. de an. f. 6. f. 2. §. 43. 44. Beccan. Th. Sch. T. 1. c. 10. q' 5. §. 31. Scheibl. l. 2. met. c. 3. Slevogt. disp. de ubiq. DEI rat. sci.* & saniores alii omnes, apud quos rationes hoc ipsum evincentes legi possunt. Præscit autem ea Deus ita, ut etiam non præscire potuerit, eō ipsô quia contingentia adeoque ad esse & non esse indiferentiasunt.

§.30. Præscivit porro Deus ab æterno futura contingentia, non per eorundem realem cœexistentiam, quippe quæ, cum contradictionem implicet, nulla fuit: quod tenendum contra Thomistas ipsumque Thomam, uti quidem nonnulli cum accusant. Nec per liberam voluntatis determinationem, sive in voluntatis sue decreto, ita ut res aliæ ad esse & non esse indifferentes determinet; contra Scotum ejusque aſſeclas: cum, ut supra §. 21. visum, Deus voluntatem creatam non determinet ad hanc specie actionem, sed potius ab eâ determinetur. Imò positò, cum determinare voluntatem nostram, non tamen ptoptere à per hanc ipsam determinationem cognoscere dici potest, si de omni ratione, quâ Deus futura contingentia cognoscit, sermo sit. Sed cognovit cognoscitq; ea 1. in ſeipsis h.e. in propriis rationibus, sive in propriis naturis 2. in ſuâ causâ i. e. ita ut comprehendat liberum arbitrium nostrum, uti ab æterno potuit prævidere, in quā partem ſe ſit determinaturum v. Recan. c.l.q.7.

§. 31. Videntur ergò futura contingentia, dum à Deo cognoscuntur, præsentia esse intellectui divino, nō quidem præsentia reali, ſeu quæ cœxistentiam prætentis ponat; ſed ſaltē intentionali, ſive quoad eſſe objectum; quæ ipſa præſentia ad cognitionem ſufficit conf. Slev. d. th. 8. §. 13. Et hæc futurorum contingentium cognitione continetur ſub divinâ præſcientiâ, quamdiu talia ſunt. Quem περσοδιογισμὸν non præter causam adjicimus. Quam primum enim ea, quæ futura contingentia erant, claſſe futurorum exeunt, & in eſſe ponuntur, v. c. ſi Petrus, de quo heri verum erat, eum diſputaturum eſſe, nunc diſputat, non amplius præſcientia vocari potest, ſed ſcientia, nimirum propter objecti mutationem v. idem B. Vir, diſp. th. 17. §. 34. 35.

§. 32.

§. 32. Et hæc ferè disputari solent de divinâ scien-  
tiâ futurorum contingentium absolutorum. Quod condi-  
tionata attinet, ea etiam à DEO cognosci, benè statuunt  
*Suar. d.30. f.16. §.32. & alibi. Mend. cit. d.9. f.6. §.83. Beccan.*  
*& Scheibl. cc. ll. Slevogt. c. l. §.50.* Sic Deus prænoverat &  
prædicebat quoque, Ceilitas tradituros esse Davidem in  
manus Saulis, si David Ceilæ maneret; & tamen conse-  
quens hypotheticæ hujus propositionis nunquam in esse  
positum fuit, cō ipsō quod antecedens sive ejus condi-  
tio, à qua pendebat, non implebatur nec unquam im-  
plenda erat. Id quod ex naturâ quoque propositionum  
conditionalium in genere probari potest, quippe quæ,  
uti de se nec antecedens nec consequens in esse, ita et-  
iam in nullâ temporis differentiâ ponunt. Quæ verò hîc  
opponi possunt, apud *Beccanum* & alios refutata videan-  
tur. Vocatur autem scientia DEI, quæ pro objecto hæc  
futura conditionata habet, à *Scholasticis* scientia media,  
quasi media sit inter *simplicis intelligentiae* scientiæ &  
*visionis*: describiturque ab *Arminio disp. pr. 17. §. 11.* quod  
sit, quâ (DEUS) novit aliquid futurum, si hoc sit. Quæ ipsa  
scientia media multos experta est hodieque experitur ad-  
versarios, ita verò, ut multi rem ipsam non negent; ex  
quibus tamen isti, qui quidem concedunt conditiona-  
lem DEI scientiam, respectu objecti, quod saltim condi-  
tionaliter futurum est, ita dictam; ipsam autem appre-  
hensionem, quâ illud sub conditione futurum esse co-  
gnoscat, negant, quomodo contradictionis laqueo sese  
exuere velint, ipsi videant.

§. 33. Hæc de intellectu increato. Creatum etiam  
futura contingentia cognoscere posse, nemo negabit,  
nisi qui, sese aliquid intelligere, ipse non intelligit. De  
angelis vid, *Thom. p. 1. q. 57. n. 3. de anima humana eun-*

*dem q. 86. a. 3. c. 4. conf. 2. 2. q. 47. a. 1. c.* Et patet ulte-  
rius, quia Prophetia de futuro contingentē est, (negat  
quidem hoc *Thom. 2.2.171.3.* dicens, posse etiam prophē-  
tiam esse de præterito, uti illud: in principio creavit  
Deus cœlum & terram; item de præsenti, uti *1. Cor. 14, 24.*  
Sed Iesus esse videtur in æquivocatione vocis prophē-  
tia.)

§. 34. Posset autem scientia hæc intellectus creati,  
perinde ut increati, & ad hunc analogicè loquendo, suō  
modō etiam in scientiam *simplicis intelligentiae, visionis*  
*& medium* (ponamus in præsenti, distinctionem istam  
nihil incommodi habere) dispesci. Si enim Petrus v.g.  
cognoscit, possibile esse, se disputaturum, scientia sim-  
plicis intelligentiae; si cognoscit, se disputaturum, quod  
etiam cras facit, scientia visionis; si demum cognoscit, se  
disputaturum esse, si modō materiam disputationis in-  
telligeret, scientia media vocari posset.

§. 35. Quamvis verò scientia futurorum contingē-  
tium intellectu creato, uti visum, omnino conveniat,  
non tamen ejusdem certitudinis & infallibilitatis est  
cum scientiā increati. Cognoscit enim hic futura con-  
tingentia certitudinaliter, ut loquuntur, & infallibiliter,  
vid. *Biel. l. s̄ep. cit.* iste non, quia non solūm non semper  
sine formidine potest alteri contradictionis parti assen-  
sum determinatum præbere, sed etiam, utut hoc faciat,  
non tamen semper veritatem attingit, & sic intellectus  
certitudinem nullam acquirit. Et quidem potest hoc  
monstrari comparatione factâ ad intellectum increa-  
tum: Iste, docente *Becano Th. Sch. t. i. c. 10. q. 11.* certitu-  
dinem præscientiæ suæ sumit ex dupli capite: 1. ex in-  
finitâ vi & perspicacitate suâ, 2. ex determinatâ veritate  
futurorum contingentium, seu quod certo & determi-  
natè

natè sunt futura. Quamvis igitur quoad posterius intellectus increatus præ creato nil peculiare habeat, (cum in ordine ad intellectum creatum futura contingentia æquè sint certa & determinata ac in ordine ad intellectum divinum) habet tamen quoad prius: sicut enim in genere certitudo cognitionis in diversis naturis diversimodè invenitur, secundum conditionem uniuscujusque naturæ, ita in specie etiam certitudo cognitionis, quæ futorum contingentium est. Caret scilicet intellectus creatus infinitâ vi & perspicacitate, ita ut *sibi relicitus* ne quidem futuros effectus naturales præscire infallibiliter queat, nedum eos, qui à causâ liberâ liberè proveniunt. Probatur istud inde, quia licet effectus necessarius, sive naturalis sit talis ab intrinseco, cò quod procedat à causa naturali ad unum determinata; est tamen simul etiam contingens ab extrinseco, dum nimirum causa illa, à quâ in esse ponitur, ab extrinseco impediri potest, v. g. dum concursus Dei generalis vel alia ad agendum requisita conditio eidem subtrahitur, *conf. Suar. d. 19. f. 10. §. 4. seqq.* Unde quoniam Deus concursum suum aut aliud requisitum planè insciô angelo aut homine subtrahere potest, facile patet, qualis certitudo præsentiae humanæ vel angelicæ in isto casu esse queat. Præsciunt scilicet tales effectus saltem probabiliter. Reliquos autem, quos causa planè libera producit, aut penitus non præsciunt, aut tantum conjecturaliter, ut ita loqui liceat.

§. 36. Hæc tamen, uti insinuavimus, dicimus de intellectu creato *sibi relicto*. Unde certitudinem infallibilem quoad futura contingentia ei non planè denegamus. Docent enim *Thoma* 2. 2. 4. 8. c. certitudo dupliciter spectari potest: 1. ex parte subjecti, quo modo certius dicitur, quod intellectus plenius consequitur. 2. ex

*parte causæ*, quomodo certius est, quod certiorem haber causam. Posteriori respectu omnino concedere possumus cuidam præscientiæ creatæ de futuris contingentibus certitudinem maximā. Si enim Deus v.g. Gabrieli revelaret, cras futurum esse finem mundi, ille hoc certissimè sciret, & sine omni formidine oppositi assensum præberet propter causam præscientiæ suæ, Deum scilicet revelantem, quam mendacii angelus in bono confirmatus arguere nequit.

§. 37. Et hinc est, quod *Autores* dicunt, intellectum creatum propterea naturaliter non posse certo cognoscere futurum contingens, quia virtus creata non potest evidenter cognoscere, aliquid esse futurum, nisi ex causis suis, nō verò in se, ex causis autē non potest necessariò inferri, effectum esse futurum, cum tales causæ contingenter causent, seu ita agant, ut possint non agere; seu ut actio etiam possit impediri vid. *Thom. p. I. q. 57. a. 3. & q. 86. a. 4. c. Svar. disp. 35. f. 4. n. 9.* Unde etiam *Thomas* priori loco infert, angelos magis præscire futura quam homines, quia illi rerum causam perfectius cognoscant.

§. 38. Dicit autem *Thomas* p. I. q. 86. a. 4. futura, prout sub tempore cadunt, non intelligi ab intellectu nostro, nisi secundum reflexionem, cum sint singularia, quæ directè quidem à sensu cognoscantur, non vero ab intellectu, sed ab hoc solum indirectè; prout autem rationes futurorum sint universales, ea directè ab intellectu ut universalia cognosci. Gemella his etiam art. præc. docet de contingentibus. Sed hæc excutere hic non libet. Hypothesin illam, quod intellectus noster directè ac primò cognoscat universalia, deinde autem ac indirectè singularia, refutat ex *Suario Mendoza de an. disp. 5. f. 6. conf. Commb. in I. Ph. c. I. q. 4.*

§. 39.

§. 39. Cum v. cognoscere non solum intellectus,  
sed & sensus officium sit, similiter quæri potest: an futu-  
ra contingentia etiam ab animâ sensitivâ cognosci possint?  
Celebris locus est Philosophi 3. de an. 10. ubi dicit, ratio-  
nem & cupiditatem contrarias fieri in iis, quæ percipi-  
unt temp⁹, cū mens ob futurum retrahere jubeat, appeti-  
tus autem persequatur præsens, quia futurum non perspi-  
cit, Διὰ τὸ μὴ ὁρᾶν τὸ μέλλον. Ex quō quidam colligunt, ani-  
nam sensitivam futura cognoscere non posse, unde &  
inferunt, neque bruta posse cognoscere futura  
contingentia, quatenus talia, quippe quod solius  
rationis est. Si objiciatur, animal cognoscere fu-  
tura, quia bonum sperare potest, malumq; timere, uti v.  
g. canis fustem videns plagas timet. Respondet Thomas  
1. 2. q. 40. a. 3. quamvis bruta animalia non cognoscant  
futurum, tamen ex instinctu naturali ea moveri ad ali-  
quid futurum, ac si futurum præviderent, hujusmodi e-  
nim instinctum illis esse inditum ab intellectu divino  
prævidente futura. Idem repetit q. seq. a. 1. ad 3. Et  
Keckermannus l. 3. Syst. Ph. c. 26. ait, in bestiis metum qui-  
dem esse, sed longè obscuriorem, quām in homine, cum  
nō metuāt objecta probabiliter aut à longinquō futura,  
sed admodum propinqua, & ita in præsenti ante oculos  
versantia, ut pro præsentib. haberi possint. Unde dicit, ca-  
nem metuere sibi à baculo, sed ab eo, quem jam sibi im-  
minentem videt, ideoque non viso baculo, redire cum  
ad indolem suam caninam priorum verberum oblitum.  
*Conf. Svar. d. m. 1. f. 6. n. 18.* ubi disputans, brutis pruden-  
tiam saltim per translationem convenire, ait: *non enim*  
*utuntur discursu, nec habitum acquirunt, quō de agendis*  
*judicent; sed quia naturali instinctu ita sæpe operantur, ut*  
*toti naturæ expedit hic & nunc, & ideo provident de futuris*  
ae si

ac si verè ratiocinarentur &c. Et paulo post : *Igitur prudentia hæc brutorum specialis sagacitas quorundam est, quæ naturæ instinctu ita reguntur, ut rationem & prudenteriam hominis imitari videantur.* Rem in medio relinquimus, & an locus ex Arist. cit. hoc probet, ad quod probandum adducitur , dubitamus.

Hic esto

## TERMINUS.

---

## COROLLARIA.

1. *Intellectus semper est veri.*
2. *Principiorum non datur scientia.*
3. *Potest circa idem dari & scientia & opinio.*
4. *Potest idem Syllogismus esse & demonstrativus & topicus.*
5. *Idem non sunt scientia & opinio. Conf. de hâc & præcedente Themist. paraphr. in 1. post. c. 48. 49.*
6. *Privativum esse positivum, non est absurdum.*
7. *Contradictorias simul posse veras & falsas esse, absurdum non est.*
8. *Thesis præced. nihil detrahit principio primo, Impossibile est idem simul esse & non esse.*
9. *Q. An DEUS sit omnium rerum essentia? N. contra VVeig. lib. de loc mund. c. 17.*
10. *An DEUS sit prima rerum materia? N. contra VVeig. in Theol. cap. 6. p. 17.*

FINIS.

VD 74

Datum der Entleihung bitte hier einstempeln!

1. Nov. 1949

SLUB DRESDEN



3 0363171

